



Број/Број: 03/1-50-1-7-35 /09
Сарајево/Sarajevo: 26.2.2009.godine

Članovima Zajedničke komisije:

Šefiku Džaferoviću, Vinku Zoriću, Dragi Kalabiću, Mirku Okoliću, Jozi Križanoviću, Sulejmanu Tihiću, Hazimu Rančiću, Branku Zrni, Ivi Miri Joviću, Dušanki Majkić, Slobodanu Šarabi i Ademu Huskiću

PREDMET: Informacija o održanom sastanku s gospodinom Jiržijem Šedivijem (Jiri Sedivy), Pomoćnikom generalnog sekretara NATO-a za odbrambenu politiku i planiranje
Veza, akt broj: 03/1, 03/11-05-98/09

Branko Zrno, predsjedavajući, Šefik Džaferović, zamjenik predsjedavajućeg, Jozo Križanović, Adem Huskić, Hazim Rančić, Ivo Miro Jović, članovi Zajedničke komisije za odbranu i sigurnost BiH, razgovarali su, 25.2.2009., s gosp. Jiržijem Šedivijem (Jiri Sedivy), pomoćnikom generalnog sekretara NATO-a za odbrambenu politiku i planiranje.

Sastanku su prisustvovali Željko Grubešić, stručni savjetnik, Frenk Boland i Rok Kosirnik iz Štaba NATO-a u Briselu, general Ericco Sabato, komandant Štaba NATO-a u Sarajevu, i Rohan Maxwell, predstavnik Ureda političkog savjetnika Štaba NATO-a u Sarajevu.

U uvodnom dijelu Branko Zrno informirao je goste o aktivnostima Zajedničke komisije za odbranu i sigurnost BiH, o saradnji ZK sa Glavnom komandom NATO-a u Briselu i Štabom NATO-a u BiH. Dao je presjek stanja u sektoru odbrane i sigurnosti u BiH, posebno naglašavajući sljedeće:

„Od Predsjedništva BiH, Vijeća ministara BiH i Ministarstva odbrane BiH očekujemo efikasna rješenja i realizaciju sporazuma o statusu vojne pokretne i nepokretne imovine. Konačno se mora znati ko koči ovaj proces. Već godinu dana vrtimo se u krug i krivica je, prema izjavama predstavnika pomenutih institucija, stalno na drugoj strani.

Svi zajedno opterećeni smo problemima viška naoružanja, vojne opreme i municije. Oko 35 000 tona čeka rješenje u magacinima. Svaki deseti pripadnik Oružanih snaga BiH angažiran je na osiguranju pomenute imovine, opreme i naoružanja i mi s tim rješenjem ne možemo biti zadovoljni. Uvjeravam vas da ćemo istrajati na rješenju ovog problema.

U tome nam je potrebna i vaša pomoć. Samo u protekloj godini na tri velika skupa, koja smo organizirali i pozvali odgovorne iz bh. institucija, dobili smo obećanja i nakon toga opet se reaktivirao taj začarani put na relaciji Predsjedništvo BiH-Vijeće ministara BiH-Ministarstvo odbrane i Ministarstvo vanjskih poslova BiH.“

Gospodin Jirži Šedivi (Jiri Sedivy), pomoćnik generalnog sekretara NATO-a za odbrambenu politiku i planiranje, nakon uvodnog izlaganja Branka Zrne obratio se članovima Zajedničke komisije i između ostalog naglasio:

„Veoma sam zahvalan članovima Zajedničke komisije za iznesenu ocjenu stanja, za ozbiljnost u pristupu obavezama koje realiziraju kao i u odlučnosti da se riješe trenutni problemi“

Prema njegovim riječima, 2009. godina je ključna za odnose Bosne i Hercegovine i NATO-a. NATO insistira na sljedećem:

- da se održi tempo realizacije preuzetih obaveza,
- da se unaprijedi međuresorna saradnja bh. institucija na putu prema NATO-u,
- da se što prije otklone političke smetnje u ispunjavanju obaveza BiH prema NATO-u. Tu se misli, prije svega, na Predsjedništvo BiH,
- da se uradi strateški pregled odbrane u čemu NATO nudi pomoć,
- da se učešće pripadnika OSBiH u mirovnim misijama finansira posebnim sredstvima koja nisu ugrađena u budžet za odbranu za tekuću godinu jer je ministar finansija Vrankić delegaciju NATO-a informirao da je to moguće uraditi,
- traži se od članova Zajedničke komisije da pomognu Ministarstvu odbrane BiH u uspostavi sistema upravljanja personalom,
- sugerira se članovima ZK da tokom bilateralnih razgovora i u kontaktima s predstavnicima zemalja članica NATO-a ispitaju njihovo raspoloženje i lobiranje za početak realizacije MAP-a - Akcionog plana za članstvo.

Predsjedavajući
Zajedničke komisije
Branko Zrno